

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 49/04, 19/05, 52/05, 24/06, 70/06, 12/09 i 48/10), te Odluke o prihvatanju ponude broj: 05.12.101-7655-Odluka o prihvatanju ponude/18

„NextVision d.o.o.“, društvo za projektovanje i proizvodnju računarskih informacionih sistema ul. Kolodvorska br.11a, koga zastupa, koje zastupa direktor Faruk Hadžimurtezić (u daljem tekstu:Izvršilac)

i

J.U.Zavod za javno zdravstvo Kantona Sarajevo, Dr.Mustafe Pintola 1/3, 71 210 Ilidža, koga zastupa direktorica Prof.dr.med.sci.Aida Pilav (u daljem tekstu:Naručilac), zaključili su

UGOVOR

za nabavku usluge poslovno informacionog sistema NIBIS -

PREDMET UGOVORA

Član 1.

Predmet Ugovora je vršenje usluga poslovno informacionog sistema u domenu Ekonomsko-finansijske službe za potrebe J.U. Zavodu za javno zdravstvo Kantona Sarajevo, prema Ponudi broj: NV-NP-171/18 od 13.11.2018. godine.

Usluga će se izvršiti u roku od 30 dana od dana obostrano potpisanog Ugovora, a najkasnije do 31.12.2018.godine, što podrazumijeva:

Instalaciju, isporuku, konfiguraciju, prilagodbu, testiranje i puštanje u rad poslovno informacionog sistema NIBIS, a na osnovu tehničke i funkcionalne specifikacije date u prilogu.

Obuku krajnjih korisnika i tehničkog osoblja i njihovo upoznavanje sa principima i funkcionalnostima programskog rješenja u trajanju od 60 sati.

CIJENA I NAČIN PLAĆANJA

Član 2.

Vrijednost ugovora bez uračunatog PDV-a iznosi: 5.900,00KM (slovima: pethiljadaidevetstotina KM) Iznos PDV-a: 1.003,00 KM(slovima: jednahiljadaitri KM)

Ukupna vrijednost ugovora sa uračunatim PDV-om iznosi 6.903,00 KM, (slovima: šesthiljadadevetstotinaetri KM)

Ugovorene jedinične cijene iz Ponude Izvršioca su fiksne i ne mogu se mijenjati ni pod kojim uslovima.

Član 3.

Naručilac će za pružanje usluge koje su predmet ovog ugovora, izvršiti plaćanje u roku od 7 dana (sedam) dana od dana prijema kompletne originalne dokumentacije dostavljene na protokol J.U.Zavod za javno zdravstvo Kantona Sarajevo, i to:

- Fature,
- Obostrano potpisanog Zapisnika o izvršenoj usluzi

Rok plaćanja teče od dana prijema ispostavljenе ispravne fakture i popratne dokumentacije.

OBAVEZE IZVRŠIOCA

Obuka i dokumentacija

Član 4.

Izvršilac je dužan obezbijediti adekvatnu obuku za korisnike koji će koristiti module poslovno informacionog sistema NIBIS u trajanju od 60 sati.

Implementacija i održavanje sistema

Član 5.

Rok za implementaciju usluga koje su predmet Ugovora je najkasnije do 31.12.2018.godine.

Sistem mora obezbijediti automatski update novih verzija aplikacije na klijentskim računarima sa centralne lokacije u slučaju ispravki grešaka, bagova i drugih dorada na aplikaciji.

Izvršilac se obavezuje da će se u toku trajanja implementacije programskog rješenja, koje je predmet ovog Ugovora, odazvati na prijavu greške i/ili problema (funkcionalni otkazi usljed kojih je

onemogućen daljnji rad u sistemu), od strane Naručioca usluge na osnovu telefonskog poziva ili pismene prijave, u roku od 2 sata od primljene prijave (ali ne duže od 4 sata od primljenog poziva Naručioca usluge) i preduzeti mjere za otklanjanje kvarova (smetnji) usljed svih grešaka i /ili problema na predmetnoj aplikaciji.

Izvršilac je dužan u roku od 12 sati (ali ne duže od 24 sata od dijagnosticiranja kvara ili smetnje) otkloniti nastali kvar (smetnju).

Način rada

Član 6.

U toku rada na implementaciji poslovno informacionog sistema NIBIS, Izvršilac će saradivati sa stručnim (ekonomsko-finansijskim) i tehničkim (informatičkim) osobljem Naručioca usluge.

Član 7.

Rok za izvršenje kompletne usluge implementacije poslovno informacionog sistema NIBIS je 31.12.2018.godine. Izvršilac se obavezuje da će poslove izvršiti stručno i profesionalno, kao i da poslovnu politiku Naručioca, neće davati trećim licima.

OBAVEZE NARUČIOCA

Član 8.

Naručilac se obavezuje da će biti na raspolaganju Izvršiocu za pružanje svih relevantnih informacija, a u cilju uspješne realizacije i implementacije predmetnog aplikativnog rješenja.

Ukoliko Izvršilac i Naručilac zajednički konstatuju da postoji greška u implementiranim modulima poslovno informacionog sistema NIBIS Izvršilac je obavezan izvršiti ispravku u roku od 12(dvanaest) sati, a najduže 24(dvadesetčetiri) sata od pismene prijave kvara i bez naknade za Naručioca.

NAKNADA ŠTETE, POVJERLJIVOST

Član 9.

Ukoliko jedna ugovorna strana neurednim ispunjenjem ugovorne obaveze prouzrokuje štetu drugoj ugovornoj strani, dužna je tu štetu nadoknaditi.

Član 10.

Ugovorne strane su saglasne da će podatke i informacije sa kojim raspolažu u cilju realizacije i implementacije ovog ugovora, tretirati kao povjerljive u skladu sa važećim zakonskim propisima i odlukama ugovornih strana.

RASKID UGOVORA

Član 11.

Naručilac može raskinuti ugovor jednostrano u sljedećim slučajevima:

- Ako Izvršilac dođe u situaciju da ne može izvršiti svoje obaveze ugovora,
- Ako je kašnjenje u realizaciji ugovora takvo da može dovesti u pitanje njegovo izvršenje,
- Ako Izvršilac realizaciju ugovora sprovodi suprotno tehničkoj specifikaciji i prihvaćenoj ponudi,
- Ako Izvršilac ne izvrši u potpunosti neke od obaveza definisanih ugovorom.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naveden razlog zbog kojeg se ugovor raskida. Ako ugovorne strane sporazumno raskinu ugovor, tim sporazumom reguliraće se sva pitanja nastala povodom njegovog raskida.

ZAVRŠNE ODREDBE

Član 12.

Ukoliko nije drugačije navedeno u ugovoru, sva korespondencija koja će biti razmjenjivana između ugovornih strana u skladu sa ugovorom, će se vršiti u pisanoj formi i biće poslata ličnom isporukom ili bilo kojim drugim oblikom brze pošte, faxom ili e-mailom na adresu odgovarajuće strane.

Član 13.

Izvršilac nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku Naručioca u postupku koji je prethodio zaključenju ovog ugovora, najmanje 6 (šest) mjeseci po zaključenju ugovora.

Član 14.

Ugovorne strane su saglasne da će eventualne sporove iz ovog ugovora rješavati sporazumno u duhu dobre poslovne saradnje, a u slučaju spora nadležan je sud u Sarajevu.

Član 15.

Ovaj ugovor stupa na snagu danom obostranog potpisivanja od strane ovlaštenih predstavnika ugovornih strana.

Član 16.

Ovaj ugovor je zaključen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

IZVRŠILAC:
„NextVision“ d.o.o.
SARAJEVO
DIREKTOR



Broj: NV-185 /18
Sarajevo, 19. 11. 2018. godine

NARUČILAC:
JU ZAVOD ZA JAVNO ZDRAVSTVO
KANTONA SARAJEVO
DIREKTORICA



Broj: 05.12.101-7655- Ugovor/18
Sarajevo, 14. 11. 2018. godine